

սերի լեռներում, նրանց մէջ ու նրանց քով զանգուածներով նստած էր հայ տարրը:

Բայց եւ այնպէս, թաթարների դրուժիւնը այդ տեսակէտից մերինի բաղդատութեամբ աւելի լաւ էր: Մի տեսակ միջին տեղն էին բրուտում վրացիների եւ հայերի բաղդատութեամբ:

Երկար ժամանակ վրացիները եւ թուրք-թաթարները չէին էլ ուզում ճանաչել հայկական տերրիտորիայի գոյութիւնը Անդրկովկասում: Կապուած ընդհանուր շահերով, վրաց եւ թաթարների ազնուակամութիւնը իր մէջ էր ուզում բաժանել հայկական հողերը: Եւ կարելի էլ չէ ասել, թէ նրանց այս օրուայ սերունդները, համայնավար պատմութեան հազուած թէ ոչ, հրաժարուել են այդ մտքից:

Այսպէս կամ այնպէս, յաջողուեց արթնացող քաղաքական հայ մտքին՝ գէթ որոշ չափով ճանաչել տալ իր իրաւունքները Անդրկովկասում: Վերջին 20-ամեակը մշտական դէպ ունեցաւ այդ տեսակէտից:

Սկզբում զեմստվո-ի կամ դաւառական ինքնավարութեան պահանջի տակ, յետոյ ազգային անկախ հանրապետութեան հռչակումով՝ սրբազորուեց այդ իրաւունքը, թէեւ մշտապէս վտանգի տակ, թէեւ միշտ էլ սկզբից սկըսած, զրկուած վիճակում, անվերջ յարձակումների ենթակայ:

«Հայկական Երջանը» 1828ից մինչեւ 1840, որ համարում էր ռուսական Հայաստան, տեսանք որ ունէր (1838-ին) ընդամէնը 18,620 քառակ. վերստ (չուրջ 21 հազար քառակուսի քիւմ.) տարածութիւն, 165 հազար ընակչութեամբ. վերջինիս էլ միայն կէսը հայ:

Այնուհետեւ, երկար տասնամեակներ, մինչեւ գրեթէ վերջին պատերազմի նախօրեակը, հայութիւնը քաղաքական պահանջներ չառաջադրեց Ռուսաստանում եւ ոչ էլ ձեւակերպեց իր հողային պահանջները Անդրկովկասում: Եւ չէր էլ կարող: Անկախ այն հանգամանքից, որ հայութեան քաղաքական ծրագիրները սահմանի այն կողմն էին սահմանափակուած, հայ տարրը Անդրկովկասում աստիճանաբար միայն աւելացաւ քանակով եւ զօրացաւ որակով, որպէս հետեւանք հայութեան հաւաքման:

Երբ այդտեղ, ընդամէնը մի-երկու տասնամեակ առաջ, պահանջ առաջացաւ դաւառա-

կան-վարչական ինքնավարութիւն (զեմստվո) մտցնելու, դրան զուգընթաց տակաւ հասունացաւ ինչպէս Անդրկովկասի միւս ազգերի, այնպէս նաեւ հայերի մէջ, ազգային տերրիտորիայի պահանջը: Այդ ժամանակ արդէն՝ հայութիւնը Անդրկովկասում թուով եւ, մանաւանդ, տնտեսական կարողութեամբ, յետ չէր մնում իր հարեւաններից. ընդհակառակը: Անդրկովկասեան Հայաստանի գաղափարը մեզինց ընդամէնը քսան տարի առաջ նոր-նոր էր զարթնում: Նա մինչեւ իսկ որպէս անուն դեռ եւս զործածութեան մէջ չէր:

Եթէ աւելի հին, տկար փորձերը մի կողմը թողնելու լինինք, յիշատակել պէտք է 1909-ի զեմստվային (դաւառ. ինքնավարութեան) խորհրդակցութիւնը, որ հրաւիրեց փոխարքայ Վրոնցոյով Գաչկով, մէկ էլ 1916-ի խորհրդակցութիւնը Նիկոլայ Նիկոլայեւիչի օրով գումարուած: Մէկը ռուսական առաջին յեղափոխութեան, միւսն էլ պատերազմի եւ յարակից պարագաների հետեւանքով առաջացած, որոշ չափով բաւարարելու համար անդրկովկասեան ժողովուրդներին ազգային պահանջները:

Չեմստվային խորհրդակցութիւնները թէեւ անմիջական հետեւանք չտուին առաջադրուած նպատակի տեսակէտից, բայց հայութեան համար ունեցան այն օգուտը, որ մի նոր առիթ եղան՝ ուժեղացնելու համար արդէն իսկ հրահրուելի սկսող ազգային տերրիտորիայի գաղափարը Անդրկովկասի սահմաններում:

Հ. Յ. Գաչակցութեան յամառ մշտականութեամբ՝ ռուս իշխանութիւնների եւ մեր հարեւանների առջեւ ձեւակերպուեց յստակ պահանջը — ճանաչել եւ ընդունել Անդրկովկասի հայութեան տերրիտորիայ իրաւունքը — հայկական հողային միութեան կամ միութեանց (նահանգ, նահանգներ) մէջ առնել հայրենակ բոլոր գաւառներ Երեւանի նահանգից դուրս եւս — Թիֆլիսի նահանգում (Լոռի-Բորչալու, Ախալքալաք) եւ Գանձակի նահանգում (Չանդեղուր, Ղարաբաղ, Լեռնային Գանձակ եւ Ղարախ կամ Դիլիջան):

Ինչ վերաբերում է Կարսի նահանգին, հայութեան պահանջները այն ժամանակ եւ այն պայմաններում, այսինքն զեմստվոյական շրջանակում, սահմանափակուած էին Կարսի եւ